

## INSTRUCCIÓN CONXUNTA, DO 13/08/2018, DA SECRETARÍA XERAL E DA XERENCIA SOBRE AS CÁMARAS DE VIDEOVIXILANCIA NA UNIVERSIDADE DA CORUÑA

---

A normativa reguladora relacionada coas cámaras de videovixilancia atópase recollida, fundamentalmente, na Lei orgánica 15/1999, do 13 de decembro, de protección de datos de carácter persoal, no RD-lei 5/2018, do 27 de xullo, de medidas urxentes para a adaptación do Dereito español á normativa da Unión Europea en materia de protección de datos, no Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos) e na Instrución 1/2006, do 8 de novembro, da Axencia Española de Protección de Datos, relativa ao tratamento dos datos con fins de vixilancia a través de sistemas de cámaras ou videocámaras.

A Instrución 1/2006 dispón que o tratamento comprende a gravación, captación, transmisión, conservación e almacenamento de imaxes, incluída a súa reprodución ou emisión en tempo real, así como o tratamento que resulte dos datos persoais relacionados con aquelas.

Por outra parte, por Resolución reitoral do 16/04/2012 (DOG 8/5/2012) creouse o ficheiro de videovixilancia da UDC. O uso previsto é a realización de labores de seguranza e vixilancia.

De acordo coa citada normativa, só será posible o tratamento dos datos obxecto da presente instrución, cando se atope amparado polo disposto no artigo 6.1 e 2 e o artigo 11.1 e 2 da Lei orgánica 15/1999. A instalación de cámaras e videocámaras deberá respectar en todo caso os requisitos esixidos pola lexislación vixente na materia: debe existir unha relación de proporcionalidade entre a finalidade que se persegue e o modo en que se traten os datos; debe informarse sobre a captación e/ou gravación das imaxes. O uso de instalacións de cámaras ou videocámaras só é admisible cando non exista un medio menos invasivo; as cámaras e videocámaras instaladas en espazos privados non poderán obter imaxes de espazos públicos; e poderíanse tomar imaxes parciais e limitadas de vías públicas cando resulte imprescindible para a finalidade de vixilancia que se pretende, ou resulte imposible evitalo por razón da localización daquelas.

En calquera caso, o uso de sistemas de videovixilancia deberá ser respectuoso cos dereitos das persoas e o resto do ordenamento xurídico.

No contexto legal antedito e co fin de establecer as pautas básicas de funcionamento no ámbito da UDC, a Xerencia e a Secretaría Xeral ditan as seguintes instrucións:

**Primeira:** non se pode instalar ningún tipo de cámaras de videovixilancia na UDC sen o debido permiso por escrito da Secretaría Xeral.

**Segunda:** as cámaras de videovixilancia xa instaladas na UDC e que constan como debidamente autorizadas, figuran como anexo I a esta instrución. As persoas responsables dalgún centro onde figuren cámaras de videovixilancia e que non consten no anexo mencionado, deberán informan inmediatamente á Secretaría Xeral sobre o lugar onde están instaladas, o seu motivo e as súas características técnicas.

Así mesmo, os/as responsables das cámaras deberán habilitar un procedemento para permitir a adecuada atención dos dereitos de acceso, rectificación, supresión e de limitación do tratamento que fosen exercidos polas persoas interesadas.

Por outra banda, estes/as responsables deberán instalar os preceptivos carteis informativos da videovixilancia en lugares ben visibles nos accesos ás zonas vixiadas así como ter a disposición a información completa do tratamento por se fose solicitada por algunha persoa interesada.

**Terceira:** caso de se instalar algunha cámara de videovixilancia nalgún centro sen a correspondente autorización por escrito da Secretaría Xeral, a persoa responsable dese centro asumirá todas as responsabilidades legais correspondentes. Así mesmo, as persoas responsables de cada centro comprobarán e informarán inmediatamente á Secretaría Xeral se algunha empresa con vinculación contractual coa UDC ten instalada algunha cámara de videovixilancia nas instalacións da UDC (cafetarías, servizos de reprografía etc).

**Cuarta:** na UDC só pode visionar as imaxes das cámaras de videovixilancia, debidamente instaladas e autorizadas, o persoal do Servizo de Vixilancia e Seguranza para as súas funcións, propias do seu traballo de apoio, de acordo coa lexislación de seguranza privada e nos casos previstos pola normativa correspondente (Lei 5/2014, do 4 de abril, de seguranza privada). O uso das imaxes só poderá ser autorizado pola Secretaría Xeral, ademais daqueles casos en que medie unha solicitude dos corpos e forzas de seguranza ou da Administración de Xustiza.

Cando a finalidade destes servizos sexa previr infraccións e evitar danos ás persoas ou bens obxecto de protección ou impedir accesos non autorizados, serán prestados necesariamente por vixiantes de seguranza.

Non terá a consideración de servizo de videovixilancia a utilización de cámaras ou videocámaras cuxo obxecto principal sexa comprobar o estado de instalacións ou bens, o control de accesos a aparcadoiros e garaxes ou as actividades que se desenvolven desde os centros de control e outros puntos, zonas ou áreas.

**Quinta:** as imaxes conservaranse durante un prazo máximo dun mes desde a captación, agás as que se relacionen coa comisión de infraccións, en que se conservarán polo tempo que resulte necesario. Transcorrido o dito prazo, procederase á cancelación das ditas imaxes.

**Sexta:** as referencias desta instrución a videocámaras e cámaras entenderanse tamén para calquera medio técnico análogo e, en xeral, para calquera sistema que permita os tratamentos previstos nesta.

**Sétima:** a Secretaría Xeral da UDC está facultada, de acordo coa normativa mencionada, a dar de alta e de baixa aquelas cámaras de videovixilancia que xunto coa Xerencia consideren oportuno, de acordo coa normativa mencionada sobre esta materia.

A Coruña, 1 de agosto de 2018

O secretario xeral

O xerente

Carlos Aymerich Cano

Ramón del Valle López

## **ANEXO I – LISTAXE DA SITUACIÓN DAS CÁMARAS DE VIDEOVIXIANCIA INSTALADAS NA UDC**

**Situación 1:** Centro de Investigación en Tecnoloxías da Información e as Comunicacions (CITIC). Campus de Elviña. A Coruña.

**Situación 2:** Escola Técnica Superior de Enxeñeiros de Camiños, Canais e Portos. Campus de Elviña. A Coruña.

**Situación 3:** Escola Técnica Superior de Arquitectura. Campus da Zapateira. A Coruña.

**Situación 4:** Facultade de Ciencias da Saúde. Campus de Oza. A Coruña.

**Situación 5:** Edificio Modernista. Campus de Oza. A Coruña.

**Situación 6:** Escola Universitaria de Fisioterapia. Campus de Oza. A Coruña.

**Situación 7:** Facultade de Ciencias do Deporte e a Educación Física. Campus de Bastiagueiro. A Coruña.

**Situación 8:** Edificio de Departamentos da Escola Técnica Superior de Arquitectura. Campus da Zapateira. A Coruña.

**Situación 9:** Edificio Xoana Capdevielle. Campus de Elviña. A Coruña.

**Situación 10:** Escola Politécnica Superior. Campus de Esteiro. Ferrol.

**Situación 11:** Talleres Tecnolóxicos. Campus de Esteiro. Ferrol.

**Situación 12:** Escola Universitaria Politécnica. Campus de Serantes. Ferrol.

**Situación 13:** Edificio de Despachos (salón de actos). Campus de Esteiro. Ferrol.

**Situación 14:** Edificio de Apoio ao Estudo (sala informática). Campus de Esteiro. Ferrol.

**Situación 15:** Reitoría. A Coruña

**Situación 16:** Pazo de Lóngora. Campus de Bastiagueiro. A Coruña

**Situación 17:** Facultade de Ciencias da Educación (biblioteca). Campus de Elviña. A Coruña

**Situación 18:** Fundación da Universidade da Coruña. Campus de Riazor. A Coruña.

**Situación 19:** Instalacións deportivas e despacho da asociación de estudantes do Campus da Zapateira. A Coruña.

**Situación 20:** Aula Náutica. Dique de Abrigo. A Coruña.

**Situación 21:** Facultade de Ciencias da Comunicación. Campus de Elviña. A Coruña.

**Situación 22:** Edificio de Servizos Centrais de Investigación. Campus de Elviña. A Coruña.

**Situación 23:** Pavillón Polideportivo. Campo de Fútbol. Campus de Elviña. A Coruña.

**Situación 24:** Facultade de Ciencias do Traballo. Campus de Esteiro. Ferrol.

**Situación 25:** Edificio de Usos Administrativos. Campus de Esteiro. Ferrol.

**Situación 26:** Centro Universitario de Riazor (CUR). Campus de Riazor. A Coruña.

# ZONA VIDEOVIXILADA



## RESPONSABLES:

Carlos Aymerich Cano. Secretario xeral da Universidade da Coruña  
Rúa da Maestranza 9, 15001 A Coruña

Víctor Salgado Seguín. Delegado de protección de datos  
Avenida de Arteixo 10, 1.º esquerda, 15004 A Coruña

## PODE EXERCITAR OS SEUS DEREITOS DE PROTECCIÓN DE DATOS

ante o responsable de protección de datos por correo ordinario, a través de rexistro público ou ben mediante o enderezo de correo electrónico <rpdp@udc.gal>.

## MÁIS INFORMACIÓN SOBRE O TRATAMENTO DOS SEUS DATOS PERSOAIS:

De conformidade co Regulamento europeo de protección de datos (RGPD) infórmase de que a súa imaxe, como dato de carácter persoal, pasa a incorporarse ao tratamento de videovixilancia segundo o establecido pola Lei de seguridade privada.

As imaxes conservaranse como máximo durante 30 días. Non están previstas as transmisións destes datos a terceiros (nin países nin organización internacionais). Vostede poderá solicitar o acceso, a supresión, a cancelación, a limitación, a rectificación e a portabilidade dos seus datos ante o responsable do tratamento.